

COVID-19-ով Վարակված Անձանց Հետ Շփման Կառավարման Պլանի Արձանագրություն Նախադպրոցական Խնամքի և Կրթական Հաստատությունների Համար

Վերջին Թարմացումները. (Փոփոխությունները նշված են դեղին գույնով).

3/11/2021.

- Վերացվել է համընդհանուր կարանտինի պահանջը վարակված անձի հետ իրենց վարակիչ ժամանակահատվածում նույն խմբում կամ դասարանում գտնվող բոլոր անհատների համար:
- Թարմացվել են պատվաստված անձանց կարանտինից ազատելու չափորոշիչները՝ համապատասխանեցնելու CDC-ի ուղեցույցին:

Համայնքային մակարդակում COVID-19-ով վարակված անձանց հետ շփման զսպմանը թիրախավորված հանրային առողջապահության արձագանքը կարող է օգնել առավելագույնի հասցնելու Լոս Անջելեսի Շրջանի Հանրային Առողջապահության Վարչության՝ COVID-19-ի արձագանքի ազդեցությունը:

Նախադպրոցական Խնամք և Կրթություն տրամադրողները համայնքի վստահված գործընկերներն են, որոնք կարող են օգնել Հանրային Առողջապահության Վարչությանը՝ բարելավել Հանրային Առողջապահության արձագանքի ժամկետներն ու ազդեցությունը COVID-19-ով վարակված անձանց հետ Շփման Կառավարման Պլանի արագ մշակման միջոցով: Շփման Կառավարման Պլանի անմիջապես իրագործումը Նախադպրոցական Խնամքի և Կրթության Հաստատությունում COVID-19-ով վարակման մեկ դեպքի հայտնաբերումից հետո, կարող է արագացնել COVID-19-ի տարածման զսպման կարողությունը և կանխարգելել այդ մեկ դեպքի տվյալ վայրում բռնկում դառնալը:

Նախադպրոցական Խնամքի և Կրթության Հաստատություններում COVID-19-ի 1,2 և 3 կամ ավելի վարակակիրների հետ շփումների կառավարման քայլերը նկարագրված են ստորև և ամփոփված Հավելված Ա-ում: Քանի որ Նախադպրոցական Խնամքի և Կրթության Հաստատությունները կունենան COVID-19-ով վարակակրի հետ շփումների կառավարման համար ռեսուրսների տարբեր մակարդակներ, *պահանջվող* քայլերն այն նվազագույնն են, որ պետք է ընդգրկված լինեն Շփման Կառավարման Պլանում: *Խորհուրդ տրվող* քայլերն ընդգրկում են շփման կառավարման ընտրովի տարրեր, եթե կենտրոնի ռեսուրսները բավարար են:

Նկատի ունենալ, որ «կենտրոններին», «հաստատություններին» կամ «վայրերին» արված բոլոր հղումները վերաբերում են երեխաներին խնամք մատակարարողներին, ներառյալ երեխաներին տանը խնամք տրամադրողներին: «Դեպք» (վարակված անձ/ տուժած) բառն օգտագործվում է՝ հղում անելու Նախադպրոցական Խնամքի և Կրթության Հաստատության հետ կապ ունեցող այն անձին, ով վարակված է COVID-19-ով: Այն դեպքում, երբ սույն փաստաթուղթը գործողության կոչ է անում հաստատությանը՝ հաստատված դեպքի առթիվ (օրինակ՝ տրամադրել ցուցումներ), ապա դեպքը անձնակազմի վարակվող անձն է, կամ էլ վարակվող երեխայի ծնողը (կամ խնամակալը/հոգաբարձուն):

Շփման Կառավարման Պլանավորում Մինչև 1 COVID-19 Դեպքի Հայտնաբերումը
Նախադպրոցական Խնամքի և Կրթության Հաստատությունում

- ❑ *Պահանջվում է.* Նախադպրոցական Խնամքի և Կրթության Կենտրոններում COVID-19-ի հարցերով հատուկ նշանակված անձ, ով ծառայում է որպես կոնտակտային անձ՝ COVID-19-ի ապահովության արձանագրությունների համար: Նշանակված անձը կապահովի, որ անձնակազմը, ընտանիքներն ու երեխաները ստանան տեղեկություն COVID-19-ի վերաբերյալ և կծառայի որպես կոնտակտային անձ Հանրային Առողջապահության Վարչությունում հաստատության մակարդակով տեղեկություններ տարածելու համար, որը և կթեթևացնի Հանրային Առողջապահության գործը:
- ❑ *Պահանջվում է.* ECE հաստատությունը պետք է հետևի Հանրային Առողջապահության [Որոշումներին](#), որոնք հասցեագրված են այն անձանց, որոնց ախտանիշների ստուգման պատասխանը մինչև ECE հաստատություն մուտք գործելը կամ ECE հաստատության տարածքում գտնվելիս եղել է դրական:

Շփման Կառավարում Նախադպրոցական Խնամքի և Կրթության Հաստատությունում COVID-19-ով 1 Վարակակրի Հայտնաբերման Դեպքում

- ❑ *Պահանջվում է.* COVID-19-ով վարակման 1 դեպքի հայտնաբերումից հետո (երեխա կամ աշխատակից), Նախադպրոցական Խնամք և Կրթություն տրամադրողը պետք է հրահանգի տվյալ անձին՝ հետևել COVID-19-ով վարակվելու դեպքում տնամեկուսացման հրահանգներին՝ (ph.lacounty.gov/covid-isolation): ՆԿԱՏԻ ՈՒՆԵՑԵՔ՝ հաստատված COVID-19-ով վարակված անձ է համարվում այն անձը, որի COVID-19-ի թեստը դրական է:
- ❑ *Պահանջվում է.* Նախադպրոցական Խնամք և Կրթություն տրամադրողը պետք է տեղեկացնի տվյալ անձին, որ Հանրային Առողջապահության Վարչությունը ուղիղ կապ կհաստատի նրա հետ՝ Հանրային Առողջապահության Վարչության Վարակակիրների և Կոնտակտավորների քննության ծրագրի միջոցով՝ հավաքագրելու լրացուցիչ տեղեկություն և տալու Առողջապահության Պատասխանատուի՝ Վարակակրի Մեկուսացման Հրամանը:
- ❑ *Պահանջվում է.* ECE Կենտրոնի COVID-19-ի Կոնտակտային Անձը պետք է Հանրային Առողջապահության Վարչությանը (DPH) զեկուցի (1) հիվանդանալուց առաջ 14 օրերի ընթացքում ցանկացած պահի դպրոցում գտնված հաստատված COVID-19-ով վարակված աշխատակիցների և երեխաների մասին, (2) դպրոցում գտնվող այն անձանց մասին, որոնք շփվել են վարակված անձի հետ՝ վերջինիս վարակող եղած ժամանակահատվածում: Հիվանդանալու սկիզբ է համարվում COVID-19-ի ախտանիշների դրսևորման առաջին օրը, կամ COVID-19-ի թեստ հանձնելու օրը՝ կախված նրանից, թե որն է ավելի շուտ տեղի ունեցել:
 - Վարակված անձը համարվում է վարակող՝ ախտանշանների ի հայտ գալուց 2 օր առաջ և մինչ այն պահը, երբ այլևս անհրաժեշտ չէ մեկուսանալ (այսինքն՝ առնվազն 24 ժամ չի ունեցել ջերմություն՝ առանց ջերմիջեցնող դեղամիջոցների օգտագործման, ԵՎ մյուս ախտանշանները բարելավվել են, ԵՎ ախտանշանների ի հայտ գալուց ի վեր անցել է

առնվազն 10 օր): COVID-19 –ի դրական թեստ ունեցող անձը, ով չունի ախտանշաններ, համարվում է վարակող թեստը հանձնելուց 2 օր առաջ և մինչև թեստը հանձնելուց հետո՝ 10 օր: Անձը համարվում է վարակված անձի հետ՝ վերջինիս վարակող եղած ժամանակահատվածում նրա հետ շփված անձ, եթե համապատասխանում է ստորև թվարկված կետերից որևէ մեկին.

- 24 ժամվա ընթացքում վարակված անձից գտնվել է 6 ոտնաչափ հեռավորության վրա 15 րոպեից ավել ժամանակով,
- Չպաշտպանված շփում է ունեցել COVID-19-ով հաստատված անձի մարմնի հեղուկների և/կամ մարմնի արտազատումների հետ (օրինակ՝ հագացել կամ փռշտացել են իր ուղղությամբ, նույն սպասքից է օգտվել կամ թքի հետ է շփվել, կամ խնամել է վարակվածին՝ առանց համապատասխան պաշտպանիչ միջոցների):

ՆՇՈՒՄ. Վարակման ազդեցությունները կվերանայվեն՝ գնահատելու համար, թե որ անձանցից է պահանջվում կարանտին պահպանել, ներառյալ վարակված անձի նույն խմբում կամ դասարանում գտնվող բոլոր անձանց կարանտին անցկացնելու հնարավորությունը, եթե հնարավոր չէ բացառել ամբողջ խմբի վարակման ազդեցությունը:

- Հանրային Առողջապահության Վարչությանը COVID-19-ով վարակման դեպքերի մասին նախընտրելի է տեղեկացնել ապահով առցանց զեկուցման տարբերակով, և դա կարելի է անել համակարգիչով կամ հեռախոսով, որոնք հասանելիություն ունեն անվտանգ վեբ-հավելվածին՝ <http://www.redcap.link/lacdph.educationsector.covidreport>: Եթե առցանց զեկուցել հնարավոր չէ, ապա կարելի է զեկուցել ինքնուրույն՝ ներենելով և լրացնելով [COVID-19-ի Դեպքերի և Կոնտակտների Ցանկը Կրթական Ոլորտի համար](#), և այն ուղարկելով ACDC-Education@ph.lacounty.gov էլեկտրոնային հասցեին: Դեպքի մասին բոլոր ծանուցումները անհրաժեշտ է ներկայացնել դեպքի մասին տեղեկանալուց հետո մեկ աշխատանքային օրվա ընթացքում

☐ *Պահանջվում է.* Երեխաները և աշխատակիցները, ովքեր հայտնաբերվել են, որ շփվել են տվյալ հաստատությունում վարակված անձի հետ, ծանուցվում են Նախադպրոցական Խնամք և Կրթություն տրամադրողի կողմից նամակով, կամ կապի այլ միջոցներով: Շփման վերաբերյալ ծանուցման նամակի ձևաթուղթը հասանելի է այստեղ՝ [Կրթական հաստատությունների համար COVID-19-ի մասին ծանուցման նամակի ձևանմուշ](#): Վարակված անձի հետ շփման մասին ծանուցումը պետք է ընդգրկի հետևյալ ուղերձները.

- Վարակված անձի հետ շփում ունեցած աշխատակիցներն ու երեխաները պետք է թեստավորվեն COVID-19-ի համար՝ անկախ նրանից՝ ունեն ախտանշաններ, թե ոչ, և տեղեկացնեն Նախադպրոցական Խնամք և Կրթություն տրամադրողին իրենց թեստի արդյունքները: Սրանով կորոշվի հիվանդության տարածման չափը Նախադպրոցական Խնամքի և Կրթության Հաստատությունում և այն կծառայի որպես հիմք՝ հետագա հսկողության միջոցների համար: Թեստավորման ռեսուրսներն ընդգրկում են. Աշխատողների Առողջապահության Ծառայություններ կամ Մասնագիտական Առողջապահության Ծառայություններ, Անձնական Առողջապահության Մատակարարներ, Համայնքային Թեստավորման Տարածքներ. covid19.lacounty.gov/testing: Այն անհատները, ովքեր օգնության կարիք ունեն գտնելու բժշկական խնամք տրամադրող, կարող են զանգահարել Լոս Անջելեսի տեղեկատվական գիծ՝ 2-1-1 հեռախոսահամարով, որը հասանելի է 24/7:

- Վարակված անձի հետ շփում ունեցած աշխատակիցներն ու երեխաները պետք է ինքնակարանտին պահպանեն (մնան իրենց տանը կամ այլ բնակավայրում՝ մյուսներից առանձին) և վերահսկեն իրենց ախտանիշները՝ 10 օր շարունակ՝ սկսած այն օրվանից, երբ նրանք վերջին անգամ շփվել են վարակված անձի հետ՝ վարակող եղած ժամանակահատվածում (ինչպես սահմանված է վերևում)՝ և նույնիսկ, եթե կարանտին պահպանելու ընթացքում իրենց թեստի պատասխանը լինի բացասական: Եթե նրանց մոտ դեռևս ախտանիշներ չդրսևորվեն (ասիմպտոմատիկ), ապա նրանք պետք է դուրս գան կարանտինից 10 Օր անց, սակայն 14 Օրերի ընթացքում պետք է շարունակեն վերահսկել իրենց առողջական վիճակը և խստորեն հետևեն COVID-19-ի կանխարգելիչ նախազգուշական միջոցներին: Բացասական արդյունք ունեցող անձի օրգանիզմում կարող է այնուամենայնիվ զարգանալ հիվանդություն՝ ախտանշաններով կամ առանց ախտանշանների, եթե նա թեստավորվել է ինկուբացիոն շրջանում (շփման և հիվանդության սկզբի միջև ընկած ժամանակահատվածում): COVID-19-ի համար տնային կարանտինի ուղեցույցը հասանելի է այստեղ՝ ph.lacounty.gov/covidquarantine.
- ԾԱՆՈՒՑՈՒՄ. Պատվաստված անձանցից, որոնք հանդիսանում են հաստատված վարակված անձի հետ սերտ շփում ունեցող անձինք, չի պահանջվում կարանտին պահպանել և COVID-19-ի թեստ հանձնել, եթե նրանք բավարարում են հետևյալ բոլոր չափորոշիչները. (1) ամբողջությամբ պատվաստված են (օր. ≥ 2 շաբաթ՝ COVID-19-ի երկու չափաբաժնից բաղկացած պատվաստանյութի երկրորդ չափաբաժինը ստանալուց հետո, կամ ≥ 2 շաբաթ՝ մեկ չափաբաժին պարունակող COVID-19-ի պատվաստանյութի մեկ չափաբաժինը ստանալուց հետո), և (2) վարակված անձի հետ վերջին շփումից հետո շարունակել են ասիմպտոմատիկ մնալ (ախտանիշներ չեն դրսևորվել):
- Հանրային Առողջապահության Վարչությունը կապ կհաստատի վարակված անձի հետ շփում ունեցած աշխատակիցների և երեխաների հետ, որոնք բավարարում են կարանտին պահպանելու պահանջը՝ Հանրային Առողջապահության Վարչության Վարակակիրների և Կոնտակտավորների քննության ծրագրի միջոցով՝ հավաքագրելու լրացուցիչ տեղեկություն և տալու Առողջապահության Պատասխանատուի Կարանտինի Հրամանը:

❑ *Խորհուրդ է տրվում.* Նախադպրոցական Խնամք և Կրթություն տրամադրողը պետք է որոշի՝ արդյոք անհրաժեշտ է լրացուցիչ ծանուցում տեղեկացնելու Նախադպրոցական Խնամքի և Կրթության Կենտրոնի ավելի լայն համայնքին՝ հաստատությունում վարակված անձի հետ շփման և COVID-19-ը կանխելու նպատակով ձեռնարկված քայլերի մասին : Ծանուցման նամակի ընդհանուր ձևանմուշը հասանելի է այստեղ՝ [Կրթական հաստատությունների համար COVID-19-ի մասին ծանուցման նամակի ձևանմուշ](#):

Շփման Կառավարումը Նախադպրոցական Խնամքի և Կրթության Հաստատությունում COVID-19-ով 2 Վարակակիրների Հայտնաբերման Դեպքում՝ 14 Օրվա Ընթացքում

- ❑ *Պահանջվում է.* 14 օրվա ընթացքում 2 վարակված անձանց հայտնաբերման դեպքում (երեխաներ և/կամ աշխատակիցներ), Նախադպրոցական Խնամք և Կրթություն տրամադրողը հետևում է 1 հաստատված դեպքի համար *պահանջվող* քայլերին:
- ❑ *Խորհուրդ է տրվում.* Նախադպրոցական Խնամք և Կրթություն տրամադրողը որոշում է՝ արդյոք երկու հաստատված դեպքերը էպիդեմիոլոգիապես կապված են, այսինքն՝ երկու վարակված

անձինք ներկա են եղել ինչ-որ պահի միևնույն միջավայրում, միևնույն ժամանակահատվածում, երբ իրենք վարակող էին*:

** Վարակված անձը համարվում է վարակող, ախտանշանների ի հայտ գալուց 2 օր առաջ և մինչ այն պահը, երբ այլևս անհրաժեշտ չէ մեկուսանալ (այսինքն՝ առնվազն 24 ժամ չի ունեցել ջերմություն՝ առանց ջերմիջեցնող դեղամիջոցների օգտագործման, ԵՎ ախտանշանները բարելավվել են, ինչպես նաև ախտանշանների ի հայտ գալուց ի վեր անցել է առնվազն 10 օր): COVID-19 –ի դրական թեստ ունեցող անձը, ով չունի ախտանշաններ, համարվում է վարակող թեստը հանձնելուց 2 օր առաջ և թեստը հանձնելուց հետո մինչև 10 օր:*

- Վարակված անձանց միջև էպիդեմիոլոգիական (համաճարակային) կապերի որոշման համար հնարավոր է, որ անհրաժեշտ լինի հետագա քննություն գնահատելու շփման պատմությունն ու հայտնաբերելու բոլոր հնարավոր վայրերը և անձանց, ովքեր կարող են շփված լինել վարակված անձի հետ տվյալ հաստատության տարածքում, վերջինիս վարակող լինելու ժամանակահատվածում: ԾԱՆՈՒՑՈՒՄ՝ էպիդեմիոլոգիական (համաճարակային) կապերը ներառում են անձանց, ովքեր ունեն իրար հետ նույնականացվող կապեր՝ ինչպես օրինակ ֆիզիկական տարածքը համատեղ օգտագործելը (օրինակ՝ դասարանում, գրասենյակում կամ հավաքույթների ժամանակ), որը մատնանշում է հիվանդության փոխկապակցված տարածման ավելի բարձր հավանականությունը տվյալ հաստատությունում, քան եզակի փոխանցումը ավելի լայն համայնքի շրջանակում:
- Եթե էպիդեմիոլոգիական կապեր չկան, Նախադպրոցական Խնամք և Կրթություն տրամադրողը շարունակում է շփման ամենօրյա կառավարումը:
- Եթե էպիդեմիոլոգիական կապեր կան, ապա Նախադպրոցական Խնամք և Կրթություն տրամադրողը ուժեղացնում է իր ուղերձները հղված երեխաներին, ծնողներին/խնամակալներին/հոգաբարձուներին և աշխատակիցներին, որպեսզի ձեռնարկվի քայլեր՝ կանխարգելելու հաստատությունում վարակի տարածումը, ինչպես նաև իրականացնելու տեղանքին հատուկ միջամտություններ:

Շփման Կառավարումը Նախադպրոցական Խնամքի և Կրթության Հաստատությունում COVID-19-ով ≥ 3 Վարակակիրների Հայտնաբերման Դեպքում՝ 14 Օրվա Ընթացքում

- Պահանջվում է.* Եթե Նախադպրոցական Խնամքի և Կրթության տրամադրողը հայտնաբերում է հաստատված 3 կամ ավելի դեպքերի խումբ երեխաների և/կամ աշխատակիցների մոտ՝ 14 օրվա ընթացքում, ապա Նախադպրոցական Խնամք և Կրթություն տրամադրողը պետք է շարունակի կատարել հետևյալ քայլերը.
- Անմիջապես զեկուցի իմբակային վարակման մասին Հանրային Առողջապահության Վարչությանը (DPH): Հանրային Առողջապահության Վարչությանը COVID-19-ով վարակման դեպքերի մասին նախընտրելի է տեղեկացնել ապահով առցանց զեկուցման տարբերակով, և դա կարելի է անել համակարգիչով կամ հեռախոսով, որոնք հասանելիություն ունեն անվտանգ վեբ-հավելվածին՝ <http://www.redcap.link/lacdph.educationsector.covidreport>: Եթե առցանց զեկուցել հնարավոր

չէ, ապա կարելի է զեկուցել ինքնուրույն՝ ներբեռնելով և լրացնելով [COVID-19-ի Դեպքերի և Կոնտակտների Ցանկը Կրթական Ոլորտի համար](#), և այն ուղարկելով ACDC-Education@ph.lacounty.gov էլեկտրոնային հասցեին:

- Հանրային Առողջապահության Վարչությունը կվերանայի ներկայացված տեղեկությունները՝ որոշելու, թե արդյոք դա համապատասխանում է ստորև նկարագրված բռնկման չափանիշներին, և ECE-ին կներկայացնի իր հետագա քայլերի մասին 1 աշխատանքային օրվա ընթացքում: Բռնկման Չափանիշները. ECE-ի տարածքում ախտանիշներ ունեցող (սիմպտոմատիկ) և ախտանիշներ չունեցող (ասիմպտոմատիկ) առնվազն 3 COVID-19-ի դեպքեր 14 օրվա ընթացքում մի խմբում*, որի անդամները համաճարակաբանորեն կապված են իրար, չեն հանդիսանում միևնույն ընտանիքի անդամ և դպրոցից դուրս սերտ շփում չունեն իրար հետ: **Խմբերը ներառում են այն անձանց, որոնք համատեղ անդամագրություն ունեն (օր.՝ միևնույն դասարան, միջոցառում ECE-ում, ECE-ից դուրս զբաղմունք):*
- Եթե բռնկման չափորոշիչները բավարար չեն, Նախադպրոցական Խնամք և Կրթություն տրամադրողը շարունակում է շփման առօրյա կառավարումը:
- Եթե բռնկման չափորոշիչները բավարարված են, գործարկվում է DPH-ի քննություն:
- Նշանակվում է հանրային առողջապահության քննիչ՝ համագործակցելու Նախադպրոցական Խնամք և Կրթություն տրամադրողի հետ, որպեսզի համակարգվի բռնկման կառավարումը բռնկման քննության ժամանակահատվածում:

Հավելված Ա. Քայլեր՝ Կառավարելու Նախադպրոցական Խնամքի և Կրթության Հաստատությունում COVID-19-ով Վարակման Դեպքերը

1 դեպք

- 1) Պահանջվում է. Նախադպրոցական Խնամք և Կրթություն տրամադրողը պետք է ցուցում տա վարակված անձին՝ հետևել Տնամեկուսացման Ցուցումներին:
- 2) Պահանջվում է. Նախադպրոցական Խնամք և Կրթություն տրամադրողը պետք է տեղեկացնի վարակված անձին, որ Հանրային Առողջապահության Վարչությունը ուղիղ կապ կհաստատի նրա հետ՝ հավաքագրելու լրացուցիչ տեղեկություն և տալու Առողջապահության Պատասխանատուի Մեկուսացման Հրամանը:
- 3) Պահանջվում է. Նախադպրոցական Խնամք և Կրթություն տրամադրողը պետք է աշխատի վարակված անձի հետ՝ հայտնաբերելու Նախադպրոցական Խնամքի և Կրթության Կենտրոնի կոնտակտավորներին:
- 4) Պահանջվում է. Նախադպրոցական Խնամք և Կրթություն տրամադրողը պետք է ծանուցի* Նախադպրոցական Խնամքի և Կրթության Կենտրոնի կոնտակտավորներին և ցուցում տա նրանց՝ ինքնամեկուսանալ տանը (բ) և թեստավորվել COVID-19-ի համար: ԾԱՆՈՒՑՈՒՄ. Պատվաստված անձանցից, որոնք շփում են ունեցել վարակված անձի հետ, սակայն բավարարում են Վարակման Կառավարման Ծրագրում նշված հատուկ չափորոշիչները, չի պահանջվում կարանտին պահպանել և COVID-19-ի թեստ հանձնել:
- 5) Պահանջվում է. Նախադպրոցական Խնամք և Կրթություն տրամադրողը պետք է տեղեկացնի Կենտրոնի կոնտակտավորներին, որ Հանրային Առողջապահության Վարչությունը հետևողականորեն հավաքագրելու է լրացուցիչ տեղեկություն և հղելու է Առողջապահության Պատասխանատուի Կարանտինի Հրամանը:
- 6) Պահանջվում է. Նախադպրոցական Խնամք և Կրթություն տրամադրողը Հանրային Առողջապահության Վարչությանը զեկուցում է հաստատված դեպքի և վարակված անձանց մասին 1 աշխատանքային օրվա ընթացքում:
- 7) Խորհուրդ է տրվում. Նախադպրոցական Խնամք և Կրթություն տրամադրողը պետք է ընդհանուր ծանուցում ուղարկի տեղեկացնելու Նախադպրոցական Խնամքի և Կրթության Կենտրոնի համայնքին՝ հաստատությունում վարակված անձի հետ շփման և COVID-19-ը կանխելու նպատակով ձեռնարկվող քայլերի մասին:

*Ընդհանուր ծանուցման և կոնտակտավորների ծանուցման ընդհանուր ձևանմուշը հասանելի է այստեղ՝ [COVID-19-ի մասին ծանուցման նամակի ձևանմուշ կրթական հաստատությունների համար](#):

2 դեպքեր

- 1) Պահանջվում է. Հետևել 1 հաստատված դեպքի համար անհրաժեշտ քայլերին:
- 2) Խորհուրդ է տրվում. Եթե երկու դեպքերն առաջացել են 14 օրվա տարբերությամբ, ապա Նախադպրոցական Խնամք և Կրթություն տրամադրողը պետք է համագործակցի Հանրային Առողջապահության Վարչության հետ՝ որոշելու՝ արդյոք դեպքերը էպիդեմիոլոգիապես կապված են: Եթե երկու կապերն առկա են, ապա ECE հաստատությունը կիրառում է վարակի վերահսկման հավելյալ միջոցառումներ:

**3+
դեպքեր**

- 1) *Պահանջվում է.* Եթե 3 կամ ավել դեպքերի խմբակային դեպք է հայտնաբերվում միմյանցից 14 օրվա ընթացքում, ապա Նախադպրոցական Խնամք և Կրթություն տրամադրողը պետք է այդ մասին անմիջապես ծանուցի Հանրային Առողջապահության Վարչությանը:
- 2) *Պահանջվում է.* Հանրային Առողջապահության Վարչությունը որոշում է, թե արդյոք բռնկման չափորոշիչները բավարարվում են: Եթե բռնկման չափորոշիչները բավարարվում են, ապա գործարկվում է DPH-ի քննություն, և հանրային առողջապահության Քննիչը կապ է հաստատում ECE հաստատության հետ՝ համակարգելու բռնկման քննությունը: